

午峰先生惠存

養怡指贈



周浦南隱堂姚氏業刊





周滿南陰堂妣氏蔡氏

丁丑四月壬酉神題



中華民國二十六年六月出版

周浦南蔭堂姚氏叢刊初編一冊

實價國幣壹百分

編輯者 姚永年 養怡

贊助者

文鏞 永清 永基  
永齡 茂滋 楚英  
軼倫 之瑾 之瑜 琦

藏版處 萬卷圖書齋

通訊處

浦東周浦鎮刷布街  
十六號姚景福堂貞房

叢刊出版辱承  
李右之姻丈  
唐應壘姑丈  
朱太忙姻兄  
許永祥內弟  
諸荷勳助無任銘  
感特此誌謝  
養怡謹識

## 養怡啓事

拙輯叢刊編集校讎早告歲事卽待裝幀適以八一三滬變猝發銅紙各版俱存戰區未及取出盡付劫友精神金錢損失浩繁十年搜募功虧一簣殊以為憾乃荷海內同文函電馳問殷殷垂念至深銘感用特重付剞劂以廣流傳惟國難方殷紙張版式因陋就簡聊存手澤而已一俟時局甯靖擬再刪蕪存著另行選錄並與續編各稿一併付刊用布區區諸維亮鑒

戊寅端午姚永年拜手

## 秦序

周浦市集。闢自姚氏。自明迄今。人才輩出。著作如林。其裔養怡。哀集稿本。彙成若干卷。而徵文於余。嗚呼。余固姚氏之三傳弟子也。昔先君子受業於外王父惠旻張公。公受業於守璇姚先生。百餘年來。薪盡火傳。綿綿延延。教澤不替。余蓋竊附於私淑之列焉。同治癸酉。余從泖秋王師遊。守璇先生之猶子石一先生。與師居近情親。晨夕過從。余因得瞻其丰采。聆其議論。間一歲。余里居習制義。得南蔭堂試藝兩鉅冊。余嘗捃拾其詞句。撫擬其格調。珍之如枕中鴻寶。光緒癸未。余客澧溪潘氏。又得識小稽藝諳兩丈。小稽丈爲守璇先生之文孫。藝諳丈爲又詞從父之寮壻。皆折輩行與余交。顧戊子以後。余旅食四方。累歲不至澧溪。而兩丈先後作古。卽向所珍祕之南蔭堂試藝。亦杳不復見。嗚呼。耆舊凋零。風流歇絕。撫今追昔。能不慨然。養怡少年英俊。獨能敬宗收族。守先人

之遺蹟。發潛德之幽光。古誼高情。迥超流俗。聞守璇先生著  
躔垣一覽。黃河溯源。竟委圖攷。前明治河圖攷。分省水利圖  
說。此皆經世有用之書。而皆未刊行。養怡倘能傳佈於世。則  
不朽盛業。焜耀千秋。豈徒一族之光輝哉。夫家積成族。族積  
成鄉。鄉積成邑。家者族之起點也。族者鄉與邑之初基也。養  
怡旣斥其家貲。宣傳闔族之文化。則由親及疏。由近及遠。進  
而推之一鄉。如秀甲丁氏之周浦詩集。又進而推之一邑。如  
墨香馮氏之海曲詩鈔。更進而廣刊祕笈。如白華吳氏之藝  
翰珠塵。其搜輯者不囿於一鄉一邑。其傳誦者亦不限於一  
鄉一邑。蜚聲藝苑。接武鄉賢。竊於養怡有厚望焉。

中華民國二十有六年二月上海秦錫田撰時年七十有七

## 朱序

周浦文風。說者謂肇自二儲。要特大輅之椎輪而已。明弘治初。節庵姚先生。建屋造梁。蔚成巨鎮。人文始由是大起。而姚氏賢裔。亦遂有著作等身者矣。養怡仁弟。一別十年。吟詠餘閒。慮先澤之就湮。博觀約取。先出四十餘種。顏曰周浦姚氏叢刊。以自別於散居異地之姚。誠盛舉也。其中表鍊百唐君。爲余舊好。以書成有日。特來督序。嗚呼。自詩書之氣。不敵金銀。於田宅則相奪相爭。於上世留貽之筆墨。往往有棄若弁髦者。是故以張舒藝于香草。兩先輩之經學。傳世未及百年。而或已板本不完。或欲刊而忽中止。近者如斯。又何問遠者。我聞若朱、若王、若閻、邱等氏。其先皆周浦望族。一門之內。文采風流。與姚氏後先輝映。何以越至於今。試一考其當時之撰述。而已過若飄風也。莫爲之後。雖盛弗傳。養怡既有見於斯。倘更舉其前人遺墨。傾箱倒篋而出之。俾一家無不發之。



幽光。一方有中興之文化。則又一藝林中之極大快事也。爲山九仞。豈合功虧一簣。養怡其勉之哉。抑余之所急欲一言者。更自有在。昔先大父蓉裳府君。爲姚氏守璇明經入室弟子。明經遠紹旁搜。不遺術數。先高曾兩代葬穴。皆明經親臨指示。爲圖爲說。歷久如新。撫手澤而低徊想像。此余之所不能無言者也。又况羅家粹於一編。而重以唐君之命乎。唐君承家學。尤工籀篆。亦周浦人。

民國廿有六年季春月下澣上海朱繩武敏侯甫譔時年七十有四

## 李序

余世居上海縣之閔行鎮。與南匯縣之周浦鎮。僅一葦之航。而周浦爲余母家姚氏所在。幼時隨侍先母歸寧。常至斯土。故於周浦之形勝、物產、風土、人情、能稔知一二。聞諸是鄉人。諺云。未有周浦鎮。先有姚家廳。足證姚氏歷史之久遠。世澤之綿長。非崛起一時者可比。姚氏代有聞人。以余所知者。若表兄小蔭明經。藝諳孝廉。表姪田生欣木茂才。均爲知名之士。而女子中亦頗多以才名稱。或推詠絮之吟。或垂宣文之幔。其尤著者。莫如三母姨吉仙女史。爲南匯名士丁時水姨丈繼配。倡和之作。稱盛一時。南匯縣志有傳。先母於諸姊妹中最幼。所著有六宜樓詩稿。桐城蕭敬甫。南匯黃式權諸先生。均有題辭。上海縣志亦有傳。感懷風水。十易星霜。小子無似。尙未將珍藏遺稿付梓。深自引疚。養怡烟台。市隱飽學。誠後起之秀。足以繼承姚氏諸先哲舊業。而尤難得者。蒐輯族

中詩文著述。擬爲彙刻。具此抱殘守闕之宏願。良殷心折。近承過訪。述及於六宜樓諸姊妹之酬倡。更欲致力訪覓。並從唐應璩表弟處。錄得先母遺稿。惟以未見于歸後所作爲憾。余爰錄五十餘首歸之。養怡之意。旣感且佩。而栝捲手澤之痛。余亦曷能自己乎。

民國二十五年丙子七月旣望姚氏外孫李味青謹序

## 張序

遜清光緒乙酉。余生九齡。從小蔭姚師游。時同堂諸友。余年最幼。獨蒙師之青睞。爰習聞姚氏居周浦幾五百年。市集之成在其後。若文學。若孝行。若藝術。代有聞人。至師之祖守潛先生。著述尤富。然僅得讀黃河溯源圖攷一卷。餘惜未刊行。迄今忽忽五十年矣。此五十年中。人事滄桑。梓鄉文獻。恨未盡搜輯之力。乃春雷一聲。幸得姚氏裔孫養怡君。悉網羅其先澤遺著。梓而行之。既成。索序於余。竊謂丁此世變遞嬗。人欲橫流之際。微特立言以垂不朽者罕覯。卽抱殘守缺。不忍祖宗手澤之泯沒。亦戛戛乎難之。上焉者。大廈連雲。飛輪策電。乞憐昏暮。白日驕人。其下。求田問舍。甘作牛馬於子孫。操奇計贏。不悟蜉蝣之身世。見有擲巨資。事剗剗者。反笑其不智。或從而毀壞之。養怡商人也。經營所得。不願自肥身家。竟傾囊以彰先德。發幽光。求諸梓桑。殊乏其匹。且養怡從祖藝

諳先生。髫年聞嚴訓。與余家夙有葭莩誼。而從父季安公娶姚。卽養怡太姑母。吉仙憶仙諸女士同懷姊妹。此外養怡季父雲熙。光緒丁酉。執贄余門。唐舅氏應壘先生。曾兩娶姚。爲養怡諸姑。是余於養怡。不可謂無淵源。此帙之行世。爲之距躍三百。蓋近而足徵鄉邦掌故。遠而有裨志乘流傳。不第姚氏譜牒裔皇已也。青氈困守。老大無成。引領養怡。彌增顏汗。

澧溪四世餘生張尙思拜撰

## 朱序

養怡姻弟。恬靜好學。近輯姚氏叢刊。竟將付剞劂。屬敘於余。余雖未盡其書。不禁喟然曰。子之命意良嘉。其志彌足豪也。夫文章執事。國之光華也。關係氣運之感衰。嘉言懿行。乃立身之楨榦。後學所當奉爲圭臬者也。是烏可以不刊。不特此也。推之一鄉一邑之卓卓可傳者。尤宜蒐采。選輯。壽之梨棗。公諸當世。其有功於文獻。有裨於藝林。爲何如耶。余每歎古今來畸人逸士。窮愁著書。所冀身後微名。猶可持以不朽。然泣鬼驚神之筆。雕龍繡虎之才。未必能洛陽爲之紙貴也。斷稿殘編。散佚零落。蠹魚侵蝕。無後人起而護持整理之。甚或刼墮紅羊。化作秦灰。畢生精力所寄。本以俟後世知音之鑒定。孰知顯晦有命。成敗難論。以是而湮沒不彰者。比比然也。能毋慨歎。其嶽嶽能存者。眞如鳳毛麟角。寥寥可數。謂非福澤之厚所致哉。今則滄海橫流。社會之風氣迭變。青年子弟。

侈談語體新詞。竟若日試萬言。倚馬可待。更不知有十三經、廿四史、諸子百家矣。余生也晚。憂患飽經。讀書苦不多。未敢置可否。況丁茲亂世之末流。棄文若敝屣之日者乎。姚氏嚮爲我里望族。開基極早。代出名儒。有聲庠序。工詩能文。並擅醫術者十數家。其著述多藏度未梓。養怡懼其年湮代遠。日就遺佚淪亡也。乃刻意經營。羅而彙輯之。閱數月而告成。都爲一編。以授梓人。喬皇巨冊。余將拭目以快覩也。嗚呼。養怡之孝思不匱。厥功偉焉。於是乎書其簡端。

時民國廿六年丁丑清和月甦遺子朱惟濤謹識於海上

# 序一

謹依收到先後爲序

黃文節嘗云。四民皆坐世業。士大夫子弟。能知孝友忠信。斯可矣。然不可令讀書種子斷絕。史記又云。藏之名山。傳之其人。尋味二語。有深意焉。周浦姚氏爲蘇浙望族。自明迄今。五百餘歲。代有文人。誓香弗替。兵燹之餘。姚子養怡。不憚煩劇。手輯先人名著。哀集成書。都四十餘種。署曰周浦姚氏叢刊。更得力于其師太忙朱先生。歸其所藏姚氏著述。而又爲之勘定之。行付手民。太忙兄郵徵余序。未敢以不文辭。誠不懼蹈佛頭著糞之誚也。竊思世衰道微。學術靡雜。不淆亂于語體。卽炫怪于西文。尙何國粹之可言乎。矧復滄海橫流。生民芻狗。華屋山邱。又何著作保存之可言乎。養怡獨不然。雅耽古籍。善爲保藏。竟能纂修廿世先人足以傳後信遠之遺著。闡發而光大之。固爲姚氏之賢裔與作手。抑亦文節之所謂書種。而史記之所謂傳人者也。其德諒不在生死肉骨之下。姚之先世有知。應共含笑于九原也。脫海內文人。咸能如太忙養怡師生之志。則古今名著。又何滄海遺珠之可虞。爰爲拉雜數語。以實吾養怡太忙。亦以爲然乎。

丙子古冬月大庸悲亞廬萬選拜稿

# 序二

周浦南蔭堂姚氏叢刊

序文

一



南匯僻處海濱。濟置上海分縣。民俗醇樸。士風蔚興。有清以降。代有聞人。若蔡曉峯。計芥舟諸賢。以詩鳴當時。族大支繁。則莫火氏若。如錦紋。始然。觀若。光大。金濤。輩。亦各樹以壇坫。迄今流風未沫。舉廢繼絕。則有于香草先生。戡晉宏富。存遺著若干種。生平事略。暨所著書目。具詳朱太忙先生手輯五百家圓圖詩集。已繡梓問世矣。于公遺著。有待於後起之責。其他先民集述。汨汨無聞音。祇以世道凌夷。文教因而屢衰。君子疾沒世而名不稱。可勝道哉。今姚君養怡。先世由浙遷南邑之周浦。與朱太忙先生居同里閭。誼屬中表。復遊先生之門。姚君故簪纓世胄。代有著述。爲先生所度藏。有姚氏著述若干種。凡風土地志。遊記隨筆。詩文存稿。兼采並蓄。僅存書目而圖籍失傳者。又若干種。彬彬璘璘。寶乎尙已。先生枕肱書城。敝門撰述。尤銳意搜求鄉邦文獻。遜清掌故。於斯文將替之日。保其墜緒。爲獎借後起。意良厚焉。姚君服膺先生。步趨恐後。有志於續述祖德。先生嘉其孝思。乃以所藏姚氏著述。悉以畀之。姚君拜受。惟謹。整理之。補綴之。悉心參校。十易寒暑。泝厥淵源。成一家之書。綜其集曰姚氏叢刊。既慶葳事。不僅分任先生鉅板之勞。賀姚氏得傳人。天實爲之。何遺澤之久且遠耶。預卜來葉浸昌。可與之而俱永。異日輶軒采及。或有取於考文徵獻之一助。幾見有人擁厚資。號素封者。數典忘祖。目不識先世手澤爲何物。相去果何如也。今其賢裔。謀付梨棗。馳書索一言於簡末。余樂觀厥成。又以太忙先生文字之

雅。敢重違姚君之請。乃不揣弁陋。謹泚筆而爲之序。

民國二十六年國歷元旦袁 潛謹撰於海上郁氏敦惠義務小學

### 序三

雲間古稱人文淵藪地。數百年來。著作家星羅碁布。不乏其人。往往代遠年湮。墜緒茫茫。前賢掌故。遺失而不復存者。端由兵燹之餘。散佚殆盡。讀書論世者。歎文字之顯晦。國運之興衰繫焉。爲人後者。守高曾之矩矱。保全前人之手澤。借而遺失者。竭力追求之。存而不全者。悉心補葺之。無他。存其書即存其人。其人傳即其書亦傳。百世後徵文考獻。實嘉賴之。周浦姚氏。世有達人。名賢閩秀。列代著述。不下百餘種。近存僅數十種。經養怡先生。雪鈔露纂。凡十餘載。復將平生著述。附於簡末。共傳不朽。人無不羨姚氏光遠前德。賢子孫之富有多文也。竊聞孔子曰。德不孤。必有鄰。曾子曰。君子以文會友。以友輔仁。又得同里朱太忙先生。二十餘年收藏著述之苦心。悉歸而成此感舉。其輔翼之功。尤不可泯沒也。質之姚君。或不河漢是言。

民國丙子冬 興化楊雪門橫山謹述於萬松疊翠之西軒

### 序四

歷覽古來著作家。大則立說著書。百世下流連寤歌。別有會心。如對一堂。小則留心掌故。補苴罅漏。供鄉邦文獻之採擇。學士文人之搜羅。皆大丈夫不遇於時者之所爲耳。一經滄桑更變。兵燹摧殘。往往前賢手澤。其子若孫。多有荒廢而不知。杳渺而難稽者。孟子謂君子之澤。五世而斬。流風餘韻之歇絕。有由來也。聞嘗思朱均不肖。莫明堯舜之心傳。杞宋無徵。難考夏殷之文獻。爲人後者。數典而忘其祖。雖有傳書。而無傳書之人。未免辜負作者之苦心矣。懿歟周浦姚氏。流傳五百餘年。列代著述。近百餘種。兼之閩秀能文。雅擅吟咏。洵不媿虞姚瑩。胃姚江學派之分支也。養怡先生。善繼善述。無怠無荒。斑斑可考。井井有條。端由同里大著作家太忙朱先生。將姚氏著述。悉歸而玉成之。以是姚氏家粹。蔚爲大觀。行將發刊。誠蔑古荒經之世代。難得而可貴也。走不文。爰述數行。爲姚氏賀。尤爲天下世守傳書之賢子孫勉。

民國丙子冬 東台陳永釗蠹仙序於西疇延春館

## 序五

嘗謂士之能享大名。顯當世者。莫不有先達之士。以爲之前。士之能垂休光照後世者。莫不有後進之士。以爲之後。此二人者。未始不相須也。然而相睽數百載。相隔數千里。不可得而見者。古來正復不少。乃今觀於太忙朱先生。與其姻

弟姚君養怡。則有獨異者。向使太忙弗遇其好學之姻弟。則雖書藏數百冊。稿積數萬頁。亦將聽其蠹蝕鼠殘。或失或不完矣。莫爲之後。其感孰爲之傳。抑使養怡弗遇其富學之姻兄。代藏姚氏著作。則舊業必如杞宋之失徵。鳳毛亦難展其采矣。莫爲之前。其美孰爲之彰。茲何幸兩人生既並世。居又同方。掌故者克償素願。繼述者克光前烈。壘篋等叶。事豈偶然。嘻。是殆兩家先祖在天之靈。俾結姻好。一則傳其衣鉢。一則繩其祖武耶。抑我國刀兵久擾。天心厭亂。將使二人倡開文教於社會耶。果則搜集家粹。卽以保存國粹。乃人心之所同欲也。志士其善爲之。鄙人當仰贊之。是爲序。

民國二十六年丁丑春月 丹陽鄭雲從錦旋拜稿

## 序六

韓文公曰。莫爲之前。雖美而不彰。莫爲之後。雖感而不傳。今觀於南匯姚氏益信。姚氏明清代有聞人。著述綦富。感則感矣。然無養怡爲之後。則感亦不傳。養怡性耽文藝。不驚紛華。美則美矣。然無明清聞人爲之先。則美亦不彰。是二者固相須也。然而爲之後者較尤難焉。清陳廷敬相國會言。其鄉有兄弟。皆爲名卿。著書多種。而其孫愚駘不知讀。家以中落。至持銀椀乞食。而不悟銀可易米。遑論其能傳先人著述邪。然猶曰愚者則然。試進而求之賢者。清葉文莊與中

遺集。寫冊皆手自點竄。鈎勒。藏其裔孫文敏訥庵處。文敏仕爲學士侍郎加尙書矣。新城王阮亭屢勸刻之。竟未果。興化李映碧廷尉。亟好著書。常以陸游馬令二家爲經。別修南唐書。而以江表志鈞礪立談諸書爲緯。尊李氏爲正統。其書頗可傳。子木庵官御史大夫。延嘉定張雲章專司讐校之役。在萬數年。亦未果。削。此皆有賢子孫。且官貴顯。而未能傳先人之書可慨也。今姚氏養怡。搜其先世著述。積十載之勞。成一家之粹。顏曰姚氏叢刊。以崇祖德。不尤加人一等乎。夫古今以叢名書者亦多矣。其所輯者。不外數十百家著述而已。未有專及一家者也。即使專及一家。不外高會祖父著述而已。未有兼及諸姑伯姊者也。有之。其惟姚氏叢刊乎。集一家之著作。幽闡潛發。炳耀於世。家粹存。鄉粹與國粹亦因之俱存。豈其他叢書所能擬其萬一與。抑鎔尤有感者。鎔藏書數千百冊。積稿千萬頁。中間蠹食鼠殘。移借不歸。存而不完者。與朱子太忙同。而太忙手輯五百家圖園詩集。付梓問世。鎔則不能也。鎔甚自媿。外戚張易庵公。著有誦芬集一書。曾經大江南北名手評定。許爲必傳之作。鄉先達刊羣雅集問世。集中七子。鎮屬四縣士也。而易庵與焉。第限於篇幅。所刊者一鱗片甲。而全集則藏鎔家。欲歸之張氏。而張氏虛無人焉。嗟嗟。太忙何幸而得姚氏賢裔歸之。以分其責。鎔何不幸。而不得張氏賢裔歸之。以分鎔責。鎔將不一愧而已也。

民國二十五年丙子季冬中泮 鎮江賈 鎔瑞甫序於古曲阿之含英書屋

## 序七

士之爲士也。能垂不朽之名於後世。可稱善讀書人。須功德言行無虧。其立身行道。顯親揚名。胸懷經濟。而能安邦定國。斯可得矣。雖然。時移世易。革故鼎新。際此尙不能保持不朽。嗚呼。難矣哉。非聖人其孰能之。厥惟高尚之士。隱居不仕。閉戶著書。將胸中經緯之才。以及耳聞目覩之嘉言懿行。藏諸簡編。流傳於世。方能千古不朽。然數數而已。吾友朱君太忙。南匯賢士也。與予數載神交。久仰博學多能。惡世風日下。聞達不求。高隱山齋。一編相對。寒暑無間。功德言行。恆流露筆端。近日將其所藏令親姚氏之著述。與其姻弟養怡先生。簡練揣摩。彙輯爲姚氏叢刊。功乍竣矣。來函索序於予。予愧庸學樗材。未敢應命。然旣承下詢。却之不恭。故聊贅數言。不足云序。以誌景仰耳。予每歎善讀書者甚尠。若太忙養怡兩先生。著書立論。垂功德言行於後世。能立不朽之名。可謂善讀書矣。豈易言哉。時維

民國二十五年禹歷葭月香塘釣叟顧賓來題於飄北艸堂

## 序八

嗟夫。今日之所謂文學家者。吾知之矣。一則曰。用字要現代化。再則曰。用字要

大衆化。現代化者。作現代文。用現代字。凡不適用於現代之字。可以極力避去也。大衆化者。是求大衆皆能了解。不僅是一般學者階級能了解也。由此以觀。凡我國古代之名詞。不合于現代化與大衆化者。均可指爲廢物。而不能見諸筆墨也。詎非文字革命哉。周浦姚君養怡。以文藝重一時。見夫先人之著述。蠹蝕鼠殘。散佚堪虞。乃殫精竭慮。蒐集殘編。并附以新作。顏曰姚氏叢刊。急謀殺青。以公同好。其有功於文教。豈淺鮮哉。然于所謂現代化大衆化者。固未有合也。夫文之作也。在代表吾人之思想與情感。其字句之使用有二。一文言。一白話。今則競尙白話。文言幾等於零。姚氏叢刊。文言也。非白話也。安望有合于潮流乎。抑知不然。凡爲一國之人。卽當保存其國粹。此儒者應負之責任也。當文教掃地之時。而有此頭角嶄然之叢刊出現。不敢數典忘祖。以致杞宋失徵。是養怡能保存家粹。卽所以保存國粹也。烏得以其非現代化。非大衆化而輕之。

民國二十六年二月 湖北沔陽黃友誠允一甫撰

姚氏叢刊題辭

開拓民族之心胸

抒發山川之靈氣

# 賦贊

## 周浦姚氏叢刊賦以題爲韻

與化楊雷門橫山

竊聞木堅根本。水遠源流。沒字碑堂堂可笑。傳家寶世世遺留。十戴含辛。方成竹素。一經遺子。早計菟裘。東魯聖人。詩觀異聞無偏黨。南朝太子。昭明文選有高樓。夏殷禮卽能言。可慨無徵。杞宋繼述。世均稱善。難忘達孝武周。不觀澧溪姚氏乎。虞胄世遙。陳封國古。宋南渡而地播遷。周北辰而天運覩。閱五百餘載。餘韻流風歷二十傳。爰居樂土。廳先鎮後。猶存里諺居民。市擴橋成。尙憶鄉賢文祖。堂構森森。南蔭曲抱清溪。江濤滾滾。東流交通黃浦。孝水讓水。來潮去潮。益智破愚。仁讓齊家萬戶。永興積慶。往來行旅二橋。農則樂話桑麻。黃雲犢叱。士則謳歌棫樸。錦字蟲雕。家學親承。多文爲富。達人世有。明德孔昭。驪探豹窺。是用問津周浦。象溪雞肋。不忘數典虞姚。滿架圖書。三冬文史。等如太學石經。價長洛陽片紙。錘爐在手。舉止大方。著作等身。猶爲餘技。前模尙在。一心書讀古人。往籍猶存。五世澤承君子。萬卷題眉。超逸俱造鳳才。千秋綱目。搜羅因司馬氏。晚季浦東。如曠如蠶。俗染西歐夷化。教非東魯遺風。木鐸無靈。斯文地掃。竹絲寂響。聖教途窮。藏書何必無家。數驚風鶴。數典多忘其祖。萬劫沙蟲。厄似坑儒。尤甚秦時經燬。難如行路。莫平蜀道羅叢。母苟安。毋畏難。精勤奮勉。興振懦頑。收拾不堪。何恤東鱗西瓜。纂修旣友。奚憂簡斷編殘。萃將列



周浦南蔭堂姚氏叢刊

賦贊

二

代心傳。不教廢墜。準備前朝掌故。足壯大觀。匪石不攻。成玉方知錯少。代庖奚事。借書始見謬刊。從知德輔有鄰。美由正路。有志竟成。奇緣巧遇。授書何啻黃石公。萬卷却逢朱遵度。雲間名噪。老成人著述先登。林下風清。女博士吟哦未附。道訪徘徊。澧水人傑地靈。神交仰止。高山才優天賦。」

周浦姚氏叢刊贊

興化楊雪溪笠舫

北宋難存。言禮者概文獻之無徵也。繼述稱善。尙論者美武周之達孝也。賢者。周浦姚氏。歷代前賢著述。後賢萃檢。補輯而成之禮也。贊曰。

追美南朝。昭明文選。移徙張華。五十乘轉。書窟墨莊。德鄰匪遠。考獻徵文。荷朱萬卷。太忙先生輔以成之。開雕莫緩。心契澧溪。湘蘭九畹。

題姚氏叢刊

蕭山湯筆花

周浦姚君永年。別署養怡居士。性耽文藝。學富五車。乃姚氏之千里駒。亦當代之文學家也。近有姚氏叢刊之輯。蒐集鴻著。蔚爲大觀。秉先人遺志。作大塊文章。偉哉斯舉。其志固堪嘉。其文尤足名世。茲將付梓。索題於余。自愧不文。曷勝顏汗。聊綴數語。藉誌鴻爪云爾。

叢書集刊。偉哉姚氏。洋洋鴻著。珠玉菁髓。瀝血嘔心。才高八士。琳瑯滿目。嘆爲觀止。書香累代。今始付梓。出版有期。價貴洛紙。編輯多勞。亢宗之子。下里巴音。喜得附此。

姚氏叢刊贊

南匯胡 照明甫  
時年七十

承先啟後 祖德不忘 刊傳一集 吳興之光

公 耕 仰



公諱懋初字仰  
耕監生好善博  
學為鄉里所推  
周浦河道第一  
次開濬時奉諭  
經理壽逾七旬  
子四執中浙江  
候補同知時中  
歲貢生允中致  
中監生

公 巷 節



公諱塤  
字以和  
號節菴  
明太常  
寺卿邑  
志有傳

公 凡 豫



公諱立字豫  
凡精治瘍性  
好儒術廣置  
經史疊床連  
屋暇卽校讐  
子廷博亦隱  
於醫

公 宸 拱



公諱  
紳字  
拱宸  
邑志  
有傳

公 眉 介

公 咸 春

周浦南蔭堂姚氏叢刊

遺像



三

公諱  
眉字  
介眉  
邑志  
有傳

公諱縉字  
丹雲號春  
城遂醫理  
游粵東葉  
中憲來青  
幕廬扁之  
譽噪於一  
時

源 一 公



公諱  
江字  
源一  
邑志  
有傳

配 京 公




公諱圻字  
配京年十  
八母病危  
刲股以進  
未見愈號  
勵而卒

守 潛 公



公諱煒  
琛字寶  
南號守  
潛歲貢  
生邑志  
有傳

泰 莽 公



公諱伯  
驥字泰  
莽直隸  
州司馬  
郡邑志  
有傳

周浦南蔭堂姚氏叢刊

遺像

五

小 蔭 公



公諱有  
林字次  
廉號小  
蔭歲貢  
生家譜  
有傳

憶 仙 女 史



諱其  
慎字  
憶仙  
適上  
海李  
梯雲  
徵君  
上海  
縣志  
有傳

周浦南蔭堂姚氏叢刊

遺像

六

嶽 生 公



公諱文  
富字嶽  
生號寶  
根家譜  
有傳

吉 諱 公



公諱有吉字  
吉諱又號吉  
齋性和藹持  
身勤儉擅丹  
青精音律工  
詩文以所作  
不自珍惜稿  
多散佚

周浦南蔭堂姚氏叢刊

遺像



周浦南蔭堂姚氏叢刊 遺像

八

祖 舜 公




公諱永  
達字祖  
舜能詩  
文績學  
早世家  
譜有傳

啟 事

叢刊付印辱承海內同文紛錫珠玉無任拜嘉除地址未詳者無從投寄外其餘賜題諸君概贈一集以酬雲誼並望未獲此書者補示籍貫名號以及通訊地點函到即奉不誤

姚養怡謹啟



庚辰西六月  
吉仙女史寫

周浦南陰堂姚氏叢刊

遺墨

吉仙女史花弁

此九尺來屬... 近狀香穗一... 寔若生時... 雖云家多... 采賢多... 待其... 道之... 亦... 修... 實... 街... 肥... 下... 劉... 桐... 方... 葉... 圓... 盤... 林... 先... 石... 周... 若...

藝諳公行書

周浦南蔭堂姚氏叢刊

遺墨

二



石一公篆列



吉諳公鍾

周浦南蔭堂姚氏叢刊 凡例

一 本刊所選各稿自四世祖始迄今十九世止姚氏一族雖不止此或以舊稿散佚無從徵攷或以遷寓他處鈔寄未到掛一漏萬容待續編

一 本刊所選各詩俱經李右之表叔祖暨朱太忙姻兄鑒定間有祇得一二首者則未能去取概爲采錄以存其人

一 本族著述以泰菴公守潛公爲最夥故所選亦多

一 本刊次序以作者輩行先後爲次如有科第可攷者註明之

一 本刊所選各詩多屬未刊之稿若已刊者選錄從略

一 本刊之詩如經別本選取者註明於後或從他本鈔入者亦加註出處

一 原稿有序有跋以首尾完全者則爲另立一編如蜀道詩等

一 敝族著述甚夥惟整理需時故先將詩類輯爲初編其餘各稿亦將繼續付梓庶免遺失

一 本刊獨力鈔錄編輯校對集於一身且倉卒付刊魯魚亥豕知所不免惟乞 諒察

一 本刊辱承海內同文寵錫鴻文法繪琳瑯滿目增輝蕪編殊深拜感惟有數家以收到較遲不及付排容俟續編剏時再行補刊諸希 原宥

## 題詞

### 五古 以收到先後爲次

#### 其一

松江沈鵬振時翼

斯文幾掃地。國粹淪亡久。論語當薪燒。玄文覆醬瓿。幾輩書家子。詩書置腦後。滿口新名詞。胸中無所有。數典竟忘祖。言之實堪醜。世俗競蔑古。姚子獨否否。家學溯淵源。攷古宏抱負。先人手澤貽。抱殘缺亦守。蒼萃成巨帙。文字足不朽。繼述孝子心。著作名人手。世變渾無定。白雲幻蒼狗。得此一編留。長與河山壽。

#### 其二

上海秦之濟伯末

昔讀海曲詩。文獻感亡逸。今誦姚氏集。乃喜子能述。爲溯南宋還。奕世多椽筆。巍巍南蔭堂。書香存典則。司馬與明經。才華益傑出。閨秀沾餘韻。進士稱不櫛。卓犖門下士。丁張尤無匹。清芬播南沙。大雅仗統帥。天道有顯晦。文章無汨滅。殘編暨斷簡。家粹蒐縝密。將結翰墨緣。豈僅闡祖德。澧溪水湯回。風流永無極。

### 七古 以收到先後爲次

#### 其一

昌黎張念祖芴暉

詩禮傳家有幾人。先人手澤拋陳陳。生前心血耗幾年。雲仍焚燬輕同新。昔我

周浦南蔭堂姚氏叢刊 題詞

二

手輯昌黎志。稿搜先達蘊深意。奈投家傳多諛詞。嗟乏通人重文字。右文老友周浦朱。鄉型珍重防模糊。王謝烏衣佳子弟。保存斷簡超玉珠。五經劄記文列首。詩詞存稿多多有。冊冊騰芒譜牒尊。宗並姬傳虞帝後。半是人間未見書。手披總目聞名初。早刊梨棗貴洛紙。明窗展誦歎何如。楚英嗜吟乃女子。高文遠播聲名起。知有高會矩矱存。介弟光先殷整理。吾祖鄉賢宰涓源。代有遺著同星繁。太息年延紙壽短。恨難會梓一家言。幸聞姚家集刻總。我心有觸怦怦動。願步後塵刊遺編。校讐勉效下帷董。

其二

興化楊雪門橫山

虞姚稽古空前後。遺胃文明世代有。伯雷二史修梁陳。士廉弘文博士就。崇善應變天下安。張說神道碑不朽。合選唐詩廿三家。極元集成無出右。岩傑象溪文集傳。文粹百卷賢之守。太常因革禮闕成。歐王二公親相友。雞肋一集著仲純。青城隱士紫髯叟。潛虛數通憶子山。鳳台集出聞名久。續言行錄編道源。成一雪坡集無偶。東南遺老憶懈孫。雙峯文集紙筆透。數典前賢祖不忘。姚江學派重山斗。周浦流傳五百年。傳家著述富二酉。雲間掌故廣搜羅。蔑視董龍何雞狗。列祖列宗在天靈。手澤遺留碑載口。名賢碩學不待云。林下風清及閨秀。善繼善述子孫賢。一字一珠鬼神祐。辛勤十載閱星霜。雖曰人力天衷牖。茲當叢刊甫告成。槃槃大集猶反手。

### 其三

南通許輔唐

吾聞周浦著姚氏。五百年族光於前。當時村里就荒僻。姚家廳子何巍然。孝行藝術世無對。郡志邑志紛連篇。二橋橫水古復古。永興積慶長蜿蜒。千家萬家一時集。信由人力非由天。中經四姓百離亂。文章詩賦猶能傳。元吉禹瞻栽亭公。風流文采相聯翩。司馬明經富述作。及門弟子俱時賢。閩中更有生花筆。吉仙憶仙仙乎仙。楚英女史獨晚出。游踪所記手自編。雲間朱公敦古誼。殘編斷簡藏彌堅。養翁愛惜事蒐輯。邦家家粹賴保全。雪鈔露纂付剞劂。將與天地長不泯。近來海內倡語體。古人義法大棄捐。五千年史掃地盡。別有西學紛東遷。斯編一出足名世。要非一姓所能專。狂瀾雖倒力可挽。公之同好心不偏。誰爲中流作砥柱。姚之賢子曰永年。

### 其四

有序

嘉定侯元章

雲間世胄江左名門傳惜抱之家風。紹思廉之學術。世多述作。代有聞人。今養怡先生性耽風雅。信石甫之後生。志在詩文。亦際恆之風。世曠大雅之論。亡恐斯文之將喪。爰輯累世遺墨。彙成叢刊。徵求題詠。褒揚祖德。增文藝之錄。價重連城。入館庫之林。名班七略。殘編斷簡。爛然四部之珠英。敗紙煙煤。宛似五車之玉屑。累葉傳薪。一編壽世。此乃有功於名教。裨益於文獻者也。爰爲小引。敬賦短章。

江左名流有姚氏。書香累葉傳青史。鴻編巨著足薪傳。代有聞人執牛耳。文章

周浦南蔭堂姚氏叢刊

題詞

四

聲價重雞林。家傳戶誦貴洛紙。雲間靈秀萃君門。代有宣文女學士。先生掌故亦孝思。殘編斷簡將付梓。琳琅佳什集叢刊。吉光片羽傳遐邇。惟我始祖南臯公。高宗南渡相胤從。卜築小隱桃溪東。子姓繁衍桂樹叢。公手植桂樹花開五馮後世名其村曰木樨宅。安敬而下十八傳。代有專集承家風。慧娥詩草煥兵燹。漱芳擅蘭詩亦工。曾祖姑慧娥及姑母謝芳兩女史皆能詩伯氏留芬已壽世。一卷傳薪報寸衷。從先兄搜集成一冊命名曰傳薪集與先伯留芬室均付梓味馨仙館有遺墨。欲謀付梓惟厄窮。先君味馨編惟我淞南一布衣。愧無小技言雕蟲。

其五

海門王

琴堯臣

時年七十

浦東周浦有姚氏。五百年前由浙徙。本來蕪穢一荒村。堂構相承得觀美。永興積慶建兩橋。商旅輻輳成鎮市。地靈人傑理固然。歷代挺生知名士。節菴讀書南蔭堂。文學淵源開其始。元吉禹瞻栽亭公。著書立說聞遐邇。守潛明經經術明。秦奮司馬學而仕。煒琛瑋琬著作多。一時黃盡洛陽紙。煒球著有東渠稿。不僮流傳在鄉里。弈譜與夫弈餘吟。此稿並是姚斌擬。南樓存稿姚山編。線線吟存汝謨紀。蘭泉撰就蜀道吟。桐華館稿伯鳳起。菜香一集足千秋。姚仁出口成綺靡。天生伯驥有異才。經書醫書傳萬祀。文富本亦是文豪。遊戲文章非奇詭。文福著書書目多。內有酒史與夢史。其鈞其鏘詩並佳。足媲唐時杜與李。有彬有林好著書。書出人人歎觀止。文式文榮愛吟詩。詩才俊逸人無比。書家女子



亦知書。吉仙憶仙如太姒。其慶其慎闔閭中。家稱詩妹與詩姊。楚英軼倫並能詩。柳絮奇才頗相似。書家多少著書人。詩文散佚誰整理。况復學制已更新。舊學爲人所棄毀。族中尙有養怡君。可稱讀書之種子。幾卷文章幾卷詩。炳炳琅琅繼先軌。搜羅列祖舊珍藏。雪鈔露纂無停晷。載明履歷與朝時。改正魯魚與亥豕。自明迄今彙成編。不吝重貲齊付梓。豈是沽名兼釣譽。保全家粹爲宗旨。書成發啓徵詩文。病中接見我心喜。爲寫長歌臺臺言。班門弄斧不知恥。此詩寄與養怡君。我亦自知太鄙俚。但因渴想姚氏書。聊遺詩箋當差使。姚氏叢刊果告成。先賜一部給我視。千里相違識面難。牢記姓名與住址。浙台溫嶺新河城。王家堯臣我就是。

### 五律 以收到先後爲次

#### 其一

南匯楊永璇香士

姚氏叢刊誕。能教眼福添。十年忙采討。萬卷細推研。端賴多才裔。方成不朽編。書香誠有種。佳話足流傳。

#### 其二

興化楊鍾淮寶琛

周浦地鍾靈。姚家預有廳。人文詳數典。祖武式遺型。香續書田秀。藜分綠閣青。友仁同里輔。竹垞德維馨。

周浦南蔭堂姚氏叢刊

題詞

六

其三

興化陳蔭蕙蘭江

姚氏古風存。書香壽子孫。百年承手澤。列世溯心源。廢墜須尋究。叢殘敢厭煩。鄉邦文獻採。媿媿著清言。

其四

青浦胡午峯

靈氣鍾周浦。人文萃一門。名山藏璞玉。家學守淵源。族聚成通市。廳留綴故園。相傳先有姚家廳後有周浦鎮闡幽刊巨帙。祖澤賴長存。

孝思推君篤。先人手澤珍。哲言宜壽世。遺著慶傳薪。妙筆鳴金玉。奇文泣鬼神。桐城孚衆望。浦左更無倫。

五排以收到先後爲次

其一

南匯康以毅葆頤

宋帝過江後。中州次第淪。姚墟皆陷敵。越徼暫棲身。故國爲禾黍。荒村滿棘榛。誅茅儲泳里。占籍澧溪濱。產鶴聲原近。指下沙翰窠村見雞話亦神。見雞啄食事見方橋高堪望月。姚橋望月爲周浦八景之一。几淨不生塵。南蔭堂雖舊。東渠稿尙新。六宜樓註自著。二仲室相親。指朱氏二仲居累代詩存富。一門志載頻。常將文會友。惟與德爲鄰。藝術尤超衆。閨房久軼倫。慨隨烽火散。搜輯劇艱辛。

其二

南匯范海揚罕池

姚橋秋望月。姚橋卽積慶橋姚橋望月爲周浦八景之一。風景足徘徊。擇處依儲里。播遷自越臺。刊  
隨荒塚沒。見方思信周浦紀略詩。雁帶夕陽來。舊德經傳久。遺聞記載賅。遠游吟蜀道。內  
有蜀道吟小試屈槃才。指秦秦司馬等。卻喜後賢起。殘編拾劫灰。

### 七律以收到先後爲次

#### 其一

秦縣游昌甲止暨

翹首雲間二酉天。前人端賴後人賢。遠承南蔭家聲舊。勝作西堂祖德篇。四壁  
牙籤搜斷簡。三朝手澤有真傳。河山處處滄桑感。一脈書香百世綿。

#### 其二

武進劉宏仲博

纂成辭類有姬傳。又見叢編意快然。後嗣多賢書不廢。家藏異寶蘊都宣。廳先  
鎖後言堪信。璧合珠聯事有緣。掌故新刊徵積慶。孝慈千古話東川。  
國粹將亡莫更存。傳楹事業又誰論。亢宗獨出文章重。數典無忘孝悌敦。補缺  
拾遺成鉅製。徵文考獻保名門。試看多少羅紈輩。孰似君家得後昆。

#### 其三

嘉定戴蒼巖

搜羅宏富見精神。文獻相沿五百春。興慶二橋開巨鎮。明清廿葉有傳人。生民  
行葦音聲古。周禮唐書點纂新。綏族敬宗兼壽世。吾家齊仰石麒麟。

#### 其四

興化鈕敦仁慕頤

周浦南蔭堂姚氏叢刊

題詞

七

周浦南蔭堂姚氏叢刊 題詞

八

誰言國粹廢難興。文獻猶留後世徵。在昔扈從依日月。於今簇聚富雲初。集追南國王家富。書比京江戴氏增。載筆已欽乾德懋。詩傳柳絮更多能。

### 其五

青浦錢學坤靜方

舜裔南遷族望滋。多藏何礙詒書癡。羽陵蠹屑芸芬聚。汲冢蟲紋竹素遺。蔡氏牙籤授王粲。江郎錦段付邱遲。三餘卽此生平足。焉用窮探委宛奇。

### 其六

興化楊鍾實卓人

前賢著述苦經營。廢墜多由世代更。十載星霜爭獨抱。百年文獻莫相輕。傳書但使休遺失。有志無愁不竟成。周浦源流五百載。毫揮風雨鬼神驚。

### 其七

興化楊繼澍雨孫

鄉邦文獻半凋殘。家粹遮羅例發凡。周浦眉題新簡冊。虞姚掌故舊衣冠。清琳廣博詢今事。董子深藏契古歡。沛國後賢歸著述。互參考訂出叢刊。

### 其八

鎮海丁方鎮健行

大呂黃鐘久不聞。直教掃地惜斯文。奇才北海傳家學。逸致西窗探典墳。清夜書聲宜對月。寒梅花好且鋤雲。名山不似名場險。蝸角春秋世局紛。

### 其九

吳縣張榮培整公

雲間掌故久銷沈。墜緒茫茫賴獨尋。數典不忘珍片羽。宗風克紹矢堅心。雪鈔露篋窮蒐討。鼠食蟲殘費酌斟。刊出漣溪先達稿。一編惠我足披吟。

### 其十

南匯唐光裕詩仙

蟲紛魚篆費摩研。覆瓿玄文早見捐。咀嚼儘多留傑作。提鈞不少寓真銓。師門昔有掄元手。秦廡先生門下姑蘇吳氏弟子曾大魁天下鄉里今無濟世賢。難得後人愛先澤。吳興翰墨妃流傳。

### 其十一

東台陳永釗靈仙

周浦源流五百年。姚家廳占地靈先。西窗燭檢逢今雨。南蔭堂高緬昔賢。青簡精勤傳舊訓。紫陽心得出藏編。雲間掌故搜羅富。餘韻流風列世綿。

### 其十二

興化楊雪巖泰瞻

十載搜羅費苦辛。傳家至寶敢因循。澤垂五世承君子。胸有千秋對古人。得友借資洵美誼。雖師弗讓見當仁。虞姚著述前光迪。德不孤兮必有鄰。

### 其十三

有序

嘉定孫德餘慎齋

丁君立德洵屬少年英雋。課後研習詩文不遺餘力。一日齋其表兄南匯姚養怡先生所輯姚氏叢稿。來覺琳瑯滿目。美不勝收。誠文學界不數觀之鉅著也。並徵詩文及余余本不文。初固辭之。既而又來。德惠並述其曾祖母其慶姚女史之勤學。能詩。閨閣韻事。乞爲表揚。一二更述養怡先生之拳拳致意。爰吟二律以應之。夫三代以上。惟恐好名。三代以下。惟恐不好名。今得附驥尾。未始非子之幸也。云爾。

國學沉淪各不謀。先生何事尙埋頭。家風夙仰能繩武。道味深諳到翦愁。高雅

允推南士冠。逍遙如賦北溟遊。化機一片資傳播。惜抱書香一瓣留。  
南沙姚氏號書癡。閩秀英姿俱擅詩。文似珠璣連斷續。才如錦繡不披離。醉紅  
重譜紅牙曲。補白慚無白傅詞。千古同文存默契。不揣譚陋綴蒹辭。

其十四

六合劉立功戒三

於今國粹歎淪亡。幸有姚家韞櫝藏。斷簡殘編傳一息。整旗疊鼓賴重光。徵文  
從事搜羅急。刊集還資賦和忙。看待他年梨棗付。琳琅滿幅耀書香。

其十五

鎮江鄭雲從錦旋

文明睿哲溯重華。姚氏當年本帝家。恭己昔瞻旒煥冕。開來今顯筆生花。螢輝  
竹素抄三篋。蠹蛀芸編纂五車。竚待魯魚明辨定。棗梨功竣拜君嘉。

其十六

古歙劉增淮泗亭

風雨摩挲手澤殘。仁人孝子不辭難。十年哀集遑云苦。百廢俱興甫覺安。有用  
精神勤勉力。無邊歲月忍虛寬。賢哉周浦稱姚氏。檢點叢編出付刊。

其十七

孝義王修己敬菴

企首浦東姚氏家。一門風騷重詩葩。文章發古光前世。士習宜今裕後華。搜輯  
叢編刊兩卷。摩挲稿件味三搗。多君倔起書香繼。掌故重新處處誇。

其十八

南匯顧祥麟

莫將典籍等弁髦。十載蒐羅與獨豪。金玉連篇才並茂。珠璣叢集志彌高。文章

壽世原由命。祖澤傳家敢憚勞。懿行嘉言欣有法。好教百代示兒曹。  
立言貴在性情真。詞句清新易動人。心血畢生皆得所。丹青滿幅獨傳神。千回  
朗誦真堪愛。一集常留洵足珍。不驚紛華務誠實。從茲家粹免沉淪。

### 五絕

上海李味青右之

先德清芬播。風行重洛陽。蒐羅心力瘁。澤共澧溪長。

### 七絕以收到先後爲次

#### 其一

上海沈軼劉

五百年後變風作。五百年前事孰論。收拾靈光歸海曲。書成擲筆晚乾坤。  
少年不學臂鷹手。寫遍奇文沸怒雷。刪盡夢痕餘酒史。一星橫掃海東來。

#### 其二

滄雲江恆源問漁

摩挲叢簡幾咨嗟。喬木森森認故家。自古雲間文物盛。舊邦新命發奇葩。

#### 其三

平湖袁潛翔海

徵文攷獻集家珍。統緒重延仗後人。共道紫陽精鑒識。得傳衣鉢豈無因。  
傳經鹿洞富收藏。門下錄成願已償。五夜校讎懷祖德。十年鐙火爲誰忙。

#### 其四

沔陽黃友誠允一

自念先人著述繁。半歸散佚不多存。勤勞十載親蒐輯。便是姬傳賢子孫。  
遺墨如新自可欽。長留姓氏噪儒林。傳家最好惟文字。積稿盈千勝積金。

其五

大庸度萬選悲亞

有作無傳作可惜。欲傳非作傳堪羞。若論傳作俱無忝。掌故姚家亦選樓。

一門鼎盛親風雅。借定會句墨灑金壺各得名。海內今休誇惜抱。他年派別軼桐城。

其六

潮安劉仲英頓首

漢周學術常世家。修史武康亦足誇。又見奕葉傳著作。書林韻事垂無涯。

一門著述充梁棟。近比石臞還石園。我自東家邱未識。京塵會識女詩孫。余與楚英女士有僚友之誼故云

其七

秦縣錢嘉穀競五

金玉頻聞擲地聲。手編姚子擁書城。不教數典而忘祖。一襲裘從集腋成。  
標目書眉區類別。窮蒐廣討費工夫。選樓高建臨周浦。如繪餘杭譜系圖。

其八

無錫侯鴻鑑病牋

南渡江淮徙浦東。故家喬木蔭慈籠。典章文物哀然在。家學相傳廿代中。  
吁嗟國粹漸淪亡。難得搜羅祖澤彰。五百餘年有名世。文章千載自流芳。  
桐城宗派早知名。積慶橋高尤著聲。遙想選擇黎照處。九秋明月擁書城。  
幾人經術幾文學。又有詩詞閨秀多。存日存書百餘種。常留天地藻山河。



### 其九

黃巖禁 驥杰生

先人遺墨孰留傳。雖感還望後嗣賢。幸有虞思能下武。不同杞宋嘆無延。  
浦東東集一家言。十載辛勤志勿諼。國粹淪亡今已久。何期數典不忘源。  
積慶橋邊南蔭堂。代生碩彥著雲鄉。等身著作多行世。閨閣才名亦擅長。  
念祖偏教手澤存。先朝掌故賴雲孫。發刊皮置名山閣。萬古長留姓字尊。

### 其十

嘉定錢雲裳蓉襄  
時年七十一

人生在世若浮萍。考古工夫不可停。輒近祇知周浦鎮。原來先有姚家廳。  
代有名人好詠歌。節庵遺澤厚如何。天生賢裔思蒐輯。五百年間著作多。  
女校方今偏設施。只會論文不會詩。姚家閨秀名齊噪。柳絮才高何足奇。  
茫茫世界說徵文。今日看來只有君。碩果僅存能得幾。叢刊如鶴立雞羣。

### 其十一

南匯王紹祥懷冰

澧溪望族首吳興。累代書香得繼承。五百年來滄海事。至今文獻尙堪徵。  
一集叢刊手輯新。殷勤漏夜校讎頻。保存家粹含深意。欲付斯文與後人。

### 其十二

上海孔令毅君詒

秀出蘭枝盡逸才。三張二陸接蓬萊。永興橋下洄環水。幾見扶筇覽句來。  
南蔭堂深衍澤長。驚才幾輩賦長楊。爭看立雪增佳話。桃李枝枝盡建章。  
繡閣風流負盛名。謝家有女總崢嶸。六宜樓接吟紅館。又見奇芬說楚英。

周浦南蔭堂姚氏叢刊

題詞

一四

斷簡丹鉛手自衡。小牕夜雨一燈明。安排寫集三千卷。定下待看旗亭唱渭城。  
槐街猶認舊時廳。二酉瑤華却幾經。難得白眉賢子弟。重效郊島鬥秦邢。

太守墳頽向夕陽。琵琶浜淺廢荒唐。遺篇結集光先德。慚愧吾家聞二堂。聞二堂在琵琶浜上太守墳在其東數十步皆吾家先澤乾嘉間吾宗亦有以詩鳴者惜其遺集不可復得焉

其十三

廣東陳華申

姚家文獻足千秋。經詁詞章一并收。代有傳人光史乘。鬚眉巾幗紹箕裘。

其十四

黟山黃少牧

周浦荒村闢草萊。姚家筆路啓樓臺。更徵文獻垂千載。名世而今產俊才。

其十五

崑山王仁壘乘六

祖宗積德子孫賢。一脈書香次第懸。多少家珍勤彙集。幽光揮發認薪傳。  
著作珍藏富五車。潛心搜集敢粗疏。澧溪他日徵文獻。定問君家攷古書。

其十六

南匯陳仁甫

幾代鴻文拱璧珍。燕謀家世有傳薪。雞林一紙風行日。積慶重新篇亦新。  
末世不爲名利熱。逸聞掌故儘收羅。枉教志乘都遺錄。闡善存真有足多。

其十七

鄞縣馬鑑季明

五百年來舊世家。江東王謝未堪誇。文章自是千秋業。難得遺書富五車。  
遺簡搜尋十載餘。風流儒雅有誰如。君家著述多名世。何用人間訪異書。

其十八

餘城施叔范

涼浸秋樓一浦鐙。抱殘有客隱荒陞。故家文獻過千卷。一一親鈔我未能。

其十九

南匯朱惟濤石才

故鄉文獻久淪胥。珠玉遺編鬱藻光。爲是著書窮始變。淋漓元氣發縹緗。  
吳興奕世盛儒門。餘韻流風高士軒。謂南蔭堂珍重校籀綿。手澤護持端仗後賢昆。

其二十

嘉定顧汝激毅卿

千鈞一髮斯文在。創作頗難守亦難。累世書香曾克紹。行看典籍載叢刊。  
宏通淹雅具高才。斷簡殘編手妙裁。風雨名山千載共。也思繼往喜開來。

其二十一

東臺王人傑仲淵

雕闌玉帙護姚黃。想見當年南蔭堂。此日憑君舒彩筆。十圍古柏映蒼蒼。  
大雅於今墜不收。故家文物總沉浮。亢宗姚氏多賢哲。先德從教千古留。

其二十二

鎮海劉鶴松逸

有虞裔脉久傳播。潛德幽光待發多。斷簡殘編先世澤。好憑珊網盡搜羅。  
風塵瀕洞賤斯文。海國詞章久不聞。差喜廣陵遺響在。一編珍重付書芸。

其二十三

黃岩林拔慧伯

姚氏叢刊七寶車。筆花飛舞映朱霞。家藏秘本今行世。國學精魂處處誇。  
家學淵源信有真。門庭濟濟蔚才人。詩詞文學都精練。錦簇花園事事新。

雪鈔露纂無虛日。掌故搜羅手自勤。斷簡殘編從此整。一書刊出是鴻文。英才世出文風盛。著作如林意氣豪。編就叢刊付剞劂。鷄林聲價自然高。

其二十四

湖北王友梅雪林

海錯山珍羅萬卷。却教家粹頓重新。漫言季世斯文喪。闡發幽光有替人。零縑碎錦任尋搜。妙手添修五鳳樓。十載居諸消輯纂。博徵文獻壯心酬。

其二十五

南雁朱壽廷燮臣

南蔭堂開數百年。澧溪世世仰高賢。門牆桃李知名士。文獻鄉邦積巨編。先人著述防遺佚。賢裔搜羅集大成。從此鴻篇傳萬古。忝同儲里共光榮。

其二十六

吳縣彭若谷

吳興累代話書香。數典原來祖勿忘。國粹好從家粹集。千秋萬世露光芒。南渡臨安五百春。欣看累世數家珍。幽光潛德從今發。爭道先生費苦辛。

其二十七

南雁朱貽翼拙齋

澧溪望族久垂聲。家有遺編富晏楹。賢裔獨能發宏願。彙成一集樂刊行。雷鳴瓦釜耳沈沈。猶有黃鐘大呂音。似我衰年復多病。遠聞佳士亦心欽。

其二十八

皖南曹持平

淵源世學喜懸延。南渡遷移已共傳。尚有姚家廳諺在。二橋韻事重前賢。十載鑿磨不厭精。勤搜先乘費經營。光芒珠玉炳千古。揚烈重蜚海內聲。

### 其二十九

嶺南周演明

文章華國更華家。五百年來著述奢。可與桐城姚派峙。書香世代永堪誇。

### 其三十

王鍾麟六舉

東南文物風流傳。浦左於今益信然。說道桐城原一派。後先姚氏各成編。訪古空存萬卷樓。別饒著述傲王侯。藏山自是千秋業。笑問當今孰與儔。

### 其三十一

上海丁芸生

先人手澤在其中。十載辛勞輯有功。一自湘鄉曾氏後。又看家粹繼南通。指張季直

### 其三十二

東臺高二適

姚家廳事久荒蕪。後有賢者道之腴。楹書一門堆几案。流傳鄉里在茲乎。君家楚英人中傑。姚姒之裔才不虛。徵題安西敦六藝。叔世今見女相如。

### 其三十三

南匯丁立德

海曲遐陬少所文。但知紡織與耕耘。自經姚氏相傳後。詩禮聲華處處聞。文章前代逞英豪。閨秀才如詠絮高。贏得孫曾繼先志。重留佳話播詞曹。將倒文瀾挽不難。承先啓後樹騷壇。斯文有託斯人手。蠹蝕蟲殘一例刊。叢稿編成世寡儔。不辭勞瘁苦蒐求。春生筆底涵今古。學養高深國粹修。

### 其三十四

上海鄧鈍鐵業翁

姚墟遺澤有雲初。出手丹鉛董理勤。此日家聲傳杜浦。驚看霧豹已成文。

周浦南蔭堂姚氏叢刊

題詞

一八

其三十五

潯縣林之美鐵花

德澤綿長五百年。孫賢子孝克承先。姚家廳建先周浦。刊出叢書姓氏傳。

周浦欣逢朱太忙。一枝椽筆著文章。殘篇斷簡全搜討。贏得姚家姓字香。

其三十六

川沙俞挾仙

江東文藝數吳興。羨爾才華祖武繩。不驚浮名勤著述。書香彌播更誰能。

家粹搜藏願不虛。漣溪姚氏播叢書。洛陽紙貴渾閑事。著作等身意自舒。

其三十七

麻城祝澍文安

好將文獻徵先輩。收拾殘英萃一編。不有錚錚此賢裔。風騷累代俱頽然。

碎金碎玉屬奇珍。一律搜羅耐苦辛。不日刊成聲價重。光增國冊自驚人。

其三十八

玉環童樹民聽情

姚家著述積年年。氏族繁興起後賢。叢輯殘編和舊稿。刊存國粹萬方傳。

其三十九

拜謙山人

君家文筆挺高峯。辭藻才華夙所宗。擷取精英成卷帙。片箋片玉盡羅胸。

其四十

黃巖李庸彬如

姚家詩學久聞名。文學也堪與世衡。賢裔不辭心力苦。叢刊編出有餘榮。

其四十一

南匯火雪明虬倉

龜甲殷墟一夕開。幾千年事仗敲推。海東子弟試稽古。數典先編家集來。

文章傳世本無多。滄海明珠獨網羅。但願選樓大手筆。置蘭鋤艾最宜苛。

### 其四十二

陸庠梅

家學淵源文獻珍。雪鈔露纂臥雲身。何當雪夜扁舟去。訪戴雲間證夙因。荒村抱月好長終。芳草幽蘭歇浦東。萬卷詩文存國粹。一編叢稿溯家風。

### 其四十三

奉賢宋狂杲

保存家粹棗逢災。閨閣更多道韞才。不是山川靈氣鍾。何來珠玉唾塵埃。

### 其四十四

麻城程 勅戒三

先人遺墨一翻新。積慶橋頭月滿輪。璧合天衣自無縫。居然絕俗妙如神。

### 其四十五

南匯陸 鶴碗芝

激昂今古遺清愁。詩酒怡情筆底收。天與象賢留碩裔。搜羅遺稿著千秋。斷簡殘編寶吉光。江花妙筆自流芳。而今手澤重珍護。的是君家一瓣香。

### 其四十六

南匯喬爾才鳳祥

怡情養性玩吟鞭。源遠流芳仗簡編。從此河山增秀色。錦囊妙句仰前賢。叢集英華瞻典墳。聯輝珠玉盡鴻文。玲瓏疑自瑤天謫。媲美班融吐蕊芬。

### 其四十七

南匯許兆衍永祥

焚膏繼晷劇辛勞。坐擁書城洵足豪。蠹蝕蠹遺編輯定。墨香海曲讓君高。

### 其四十八

南匯沈守石瘦若

姬傳一脈紹箕裘。文字珠璣杜浦留。鉅著而今成鼎足。嘯山香草並千秋。編刊宏願足稱揚。珍本流傳重縹緲。多少讀書人飽德。先賢心血化文糧。

其四十九

蘭谿諸葛泰源生

保存國粹賴儒林。學尙新奇習已深。斯世伊誰崇祖德。先人遺墨費搜尋。雲間家學本淵源。著作流傳半不存。難得重華賢後裔。殘編整理歷晨昏。

竹林共事已多年。令叔舟生先生同在美昌供職得識英才亦夙緣。正喜精勤能創業。自進慎器重那知文藝有真傳。

頻年香島駐征鞍。舊調如今久不彈。讀罷徵文心仰慕。勉將俚句寫毫端。

其五十

鎮海劉頤園

姚家文藝久名聞。遺墨新編夙夜勤。國粹淪亡鄉粹佚。重蒐鴻著獨欽君。叢刊手輯不辭勞。珠玉盈篇氣亦豪。南蔭堂前文集集。名賢著作等樓高。

其五十一

浙路許茂春

堪羨生花筆有神。一門碩學著鴻文。千秋佳話傳賢嗣。國粹長留費苦辛。爭把先人手澤傳。情知家學有源淵。文章自古同班史。一卷吟哦手自編。

其五十二

嘉定侯大章廣堯

扈蹕南來歷幾朝。蠡斯衍慶舊題橋。至今人住新豐鎮。尙指高廳說姓姚。春風扇和羨珂里。朱門花發穠桃李。荆玉而今敝帚同。抱殘守缺伊誰氏。



鑿得楹書補化工。經筵史席盡牢籠。燃藜徹夜勤搜紹。旭日芸窗曉露蒸。  
國粹家珍入選壇。等身著作網中珊。雞林聲價爭先覩。梨棗騰光是此刊。

### 其五十二

南雁葛 誠孚生

經營惨淡破天荒。詩禮傳家著梓鄉。五百年來文蔚起。吳興世澤永流芳。  
保存國粹兼家粹。媚古承先志卓然。墨雨歐風吹正急。中流砥柱仗君肩。

### 其五十四

海甯許竹溪

遺書自古勝遺金。集腋成裘費苦心。今日一編初問世。他年聲價重雞林。  
歐風美雨迫如煎。國粹沉淪劇可憐。片羽吉光洵足貴。集成幸賴子孫賢。

### 其五十五

南匯王佐才祐孫

先賢著作貴搜藏。况復宗傳一脈香。難得雙峯心好古。特加檢點敢拋荒。  
立言不朽已年年。日夜勤抄廢寢眠。遠勝藉談空數典。祖宗賢又子孫賢。  
撫摩簡斷與編殘。留在人間歷歲寒。奚惜多方心力用。題簽端不愧叢刊。  
元之遠裔性耽經。得遇韋齋眼倍青。搜拾本宗遺墨富。發刊大慰在天靈。

### 其五十六

嘉興孫福基纂成

奸邪禍國嫉忠賢。退隱窮鄉老澗邊。南蔭堂傳讀書處。書香五百有餘年。  
手輯先人斷簡編。姚家典籍苦精研。閨中著作前賢集。一姓叢刊千載傳。

和韻以收到先後爲次

其一

南雁朱惟恭大忙

久亡國粹兼鄉粹。家粹編摩底欲勤。晚季兒孫都不解。却教賢裔樂徵文。

亢宗獨往恣蒐討。一集編成氣足豪。佳話漣溪新掌故。兩看積慶選樓高。積慶橋爲姚氏遠祖所建茲歲重新告成

姚氏遠祖所建茲歲重新告成

其二

常熟錢鍾瑜景周

累代遺編留手澤。叢刊補輯獨辛勤。吳興後起毋忘祖。數典煌煌絕妙文。

雞肋醉餘傳著作。鳳臺太學譽文豪。雪坡大集將行世。名與錦江四俊高。

其三

無錫胡介昌茲儻

叢刊雜沓難蒐輯。端在晨昏手繕勤。獨有芝蘭佳子弟。力能整理一家文。

沙散一盤非易握。搜羅端要不辭勤。茫茫家粹編成集。都是瑯環玉笈文。

人家得一亢宗子。風雨龍吟百代豪。四十三編齊綴拾。孝樓應比選樓高。

鄉粹表彰思邑粹。吳興後起興何豪。他年開局編通志。更見光芒萬丈高。

其四

奉賢廖麟年味蓉

姚家有後綿先澤。蒐輯叢殘爾許勤。五百年來挺名世。神靈呵護在斯文。

漣溪成市資先導。世代書香足自豪。進士尤多稱不櫛。鄉邦志乘姓名高。

其五

南匯杜應龍象飛

何圖世變滄桑日。手澤摩挲蒐討勤。喬木名山欣兩絕。

姚氏為吾邑澧溪世孝奕葉蜚聲文苑養怡軒

蒐輯光大之故家著述益垂不朽 楹書有託幸斯文。

岑苔先世會聯誼。盛族藝諳孝廉與先祖孝子公聯學誼有唱和德行文章並足豪。憔悴孫枝慚繼述。

鴻編和寡曲彌高。

其六

南匯胡墨儒紅豆

年來國粹等秋雲。無復埋頭五夜勤。不道澧溪流澤遠。姬傳猶纂一家文。十載擎摩不憚勞。輯成敲句與彌豪。等身著作名山業。尤見襟期曠世高。

其七

秦縣孫同德馨儒

能光作述千秋事。博採旁搜好古勤。畢竟熱心傳絕學。燃藜分照檢遺文。禍索災梨不憚勞。吳興夙仰著人豪。一編互古行實字。艷說詩書價值高。

其八

南匯吳孝仁鏡湖

難能遠溯先人澤。賸簡殘編補輯勤。華谷里中多後起。誰云晚季喪斯文。吾鄉文物思南蔭。墳墨獨留氣自豪。從此保存家國粹。豈徒積慶仰崇高。

其九

鄞縣屠志恆卓雲

收拾遺文編甲乙。雪窗露案手抄勤。東南莫道風流盡。正有雲間姚氏文。欣看玉版三千卷。全帙裝成亦足豪。鬱鬱文詞振海內。宗風靈氣一時高。

周浦南蔭堂姚氏叢刊

題詞

二四

其十

影縣胡善仕達卿

數典寧能忘祖籍。後人奮志畢辛勤。累朝家乘徵無闕。膏殿靈光煥厥文。名門著述充篇幅。一介儒生志業豪。如見羹牆心嚮慕。然黎前照乙星高。昔時班馬儒林重。學業精深著述勤。今集哀成亦光寵。羣欽典冊與高文。尋常事業嗤庸俗。大雅爲羣夙性豪。寬識文章千古藝。書城坐擁位增高。

其十一

南匯奚紹甌鐵塘

伊誰典籍銘心曲。獨有先生蒐拾勤。一集叢書無限好。後先輝映盡鴻文。堪笑庸人徒復勞。問他身後尙何豪。不如留得數行在。縱使清貧亦自高。

其十二

鎮江賈益瑞甫

祖宗遺墨化煙雲。賴有賢孫補白勤。才聚一家家粹錄。始知天未喪斯文。大集編成十載勞。鬚眉巾幗並賢豪。叢刊今古知多少。只此平權一著高。

其十三

慈谿袁丹裳

古愁無自散烟雲。叔世何人諷誦勤。猶有嗜痴忘寢饋。天應終不喪斯文。燈火昏昏幾載勞。遺篇重見一時豪。更煩存盡人間句。白玉雙環報德高。

其十四

山陰汪文奎福田

五色繽紛似慶雲。吉光片羽網羅勤。摩挲手澤懷先德。不負遺留石室文。蒲鞞年年肯耐勞。功成一旦興尤豪。題詞竊喜微名附。聲價頓增十倍高。

其十五

南匯方瑞庭襄堯

蟬媽子姓蔚如雲。奕葉書香克紹勤。遺著保存欣有後。不教覆瓿嘆叢文。  
蠅營逐利笑人勞。坐擁籟金顧盼豪。何似傳家珍稿本。藝林聲價競相高。

其十六

鹽城胡士廉讓之

載酒問奇揚子雲。腹飢一字救猶勤。澧溪文會仁尤輔。竹垞爲鄰富以文。  
雲間掌故弗辭勞。數典難忘先世豪。抗節古人追不讓。南朝何羨選樓高。

其十七

南匯王家彥逸齋

儒風不古曠稽古。疑是姬傳手著勤。何幸澧溪姚氏裔。搜羅遺稿足徵文。  
士族我鄉無後起。文壇深媿客中豪。曝書亭畔薪傳遠。爭重新刊紙價高。

其十八

紹興俞尚志安之

國粹誠如萬壑雲。螢窗雪案學彌勤。先賢嘔盡心頭血。留得澧溪錦繡文。  
欲崇祖德不辭勞。洵是雲間一世豪。十載殘編蒐輯徧。文光直與月輪高。

其十九

南匯奚申伯燕子

百年過眼渺烟雲。斷爛長篇手輯勤。積得縹緗千萬卷。蠶魚殘蝕有遺文。  
埋頭十載著勤勞。蒐輯叢編意興豪。秦劫未經留翰墨。羨君坐擁百城高。

其二十

丹陽荆鳳岡石樵

不甘先澤化烟雲。收拾叢殘手輯勤。此是孫曾能述德。不同什百浪徵文。

露鈔雪纂敢言勞。闡發先民一世豪。梁代昭明今又見。居然文選矗樓高。

其二十一

奉賢朱聲韶伯庸

不知海上起風雲。先哲遺編手錄勤。堪與圖書傳萬世。此功不讓沈休文。  
丹鉛校勘不辭勞。南面書城擁自豪。遙望澧溪甘下拜。君家門第本清高。

其二十二

興化楊鍾衡湘九

雲間掌故散如雲。二十餘年著述勤。玉錯曾逢攻借力。文公山仰荷人文。  
整理兒孫不費勞。斑斑可效亦云豪。澧溪餘韻流風遠。究比玄亭問字高。

其二十三

合肥丁兆松左卿

繼迹從來賴後人。搜羅日夜費辛勤。重新遺墨今如願。我獻巴詞愧不文。  
手輯叢刊不畏勞。鳳毛濟美有英豪。羨君家粹同鄉粹。傾盡葵心日愈高。

其二十四

丹徒陳瑞生錫堂

吟紅秀麗六宜雋。閨閣推敲一例勤。海內早傳周浦鎮。固知超代有鴻文。  
著書詎祇八千卷。五百年來亦足豪。却賴養翁知愛惜。承家大事莫能高。

南匯唐思義

有慨殘編散作雲。創新集簿兩辛勤。十年整理青箱業。快覩姚家一代文。  
桐城遠接澧溪潮。遠紹旁搜意氣豪。幾代君家風雅士。千秋姓字共君高。

其二十五

武進莊遷谷甲安

雲間掌故付烟雲。蒐集殘編用力勤。國粹碎金憑手輯。而今絕世有傳文。不辭辛苦不辭勞。一集編成也足豪。况看叢刊承祖澤。姬傳事業志彌高。

### 其二十六

武進劉穀孫谷僧

象溪而後有居雲。詩學吳興記誦勤。歲序遷延千載下。復於周浦讀姚文。積慶重修不計勞。蒐羅遺墨足稱豪。壽諸梨棗傳當世。從此聲名斗石高。

### 其二十七

南匯丁正藩

周浦姚養怡嫺臺爲正藩先王母姚太夫人之姪曾孫好學不倦從朱太忙先生遊公餘之暇好收輯其先人遺著足使晦之者顯之者發之也探閱採遺以光泉壤書成名周浦姚氏叢刊廣徵詩文共資提倡誠保存國粹之美舉也爰步原韻二絕卽希指正

整輯殘編似慶雲。不辭辛苦不辭勤。誠如温故知新務。煥發前文映後文。珠塵玉屑蒐求遍。巨著流行信足豪。國粹保存欣有託。羣書博採等身高。

### 其二十八

興化高恆松鶴年

叢殘簡冊散如雲。善作尤期善述勤。祖澤遺留傳世寶。箕裘繩武燦人文。螢雪更遷敢告勞。麟麟炳炳萃人豪。分門別類無遺憾。充棟成書甲乙高。

### 其二十九

南匯奚紹豐樂氏

里豪居積半煙雲。何似姚廳著述勤。此是澧溪優血系。風流廿代盡能文。

周浦南蔭堂姚氏叢刊

題詞

二八

總集編排賢裔勞。書香南蔭自堪豪。再傳大母淵源學。吾亦門牆竊附高。

其二十

興化楊鍾海紫滄

斷殘蠹簡散如雲。銜出佛膺鼠亦勤。南蔭堂遙遺掌故。澧溪甲族煥人文。散佚東西飛燕勞。訂編十載亦云豪。杖頭乙夜青藜火。劉向校書祿閣高。

其二十一

衡陽吳醒民覺先

一樓明月一窗雲。雪纂霜鈔獨自勤。烽火幻殘藏稿在。琳瑯姚氏足奇文。朝朝夕夕不辭勞。編就叢刊興自豪。炳炳千秋天地永。空林寒磬月輪高。

其二十二

興化楊蔭緒研餘

遺墨叢殘渺若雲。東鱗西爪檢求勤。夏殷杞宋難爲證。大好兒孫重獻文。十年編訂漫云勞。數典難忘意氣豪。不羨昭明梁太子。澧溪依樣選樓高。

其二十三

常熟周璣子燦

遺墨珍藏重整理。芸牕考訂陪辛勤。一家言喜千秋著。豈止人閒讀妙文。克成先志才原大。編輯叢刊興亦豪。聽說下帷長效董。伯雷學苦更名高。

其二十四

東台陳光燾惠宇

字問玄亭揚子雲。韓公好古業精勤。上規姚姒昭型典。渾渾無涯質勝文。龍勉前修敢告勞。家傳國粹亦云豪。讀書種子風人筆。述祖誦芬比較高。

其三十五

有序

南匯儲學洙祝鈞  
時年八十二



余自民國鼎新弛肩地方公僕日在就問室徵文老戴檢及李穆堂先生訓語凡拾人遺編而存之功德愈於壘甚骨哺棄兒始愁斷簡殘編之不可輕棄也今讀姚養怡先生叢刊徵文啓愧余家與姚鄰未獲親炙姚門手輯雖有山志縣志區志等問世遠不及先生之書香累代整理遺編遠紹南蔭堂之世澤輯成新牒發明周浦鎮之來源崇德報功似較拾遺而存之勝一籌矣天生萬物顯晦在人爰就來文而敷衍之竊乞恕責於掌

故大家

叢刊總目密如雲。蒐輯窮年不覺勤。南蔭堂前華表古。衰經八代起鴻文。揣摩十載不分勞。舊事重題興倍豪。儲里吟壇今整理。前光克迪仰彌高。

### 其三十六

興化楊雪岑 詩亭

前模廢墜渺如雲。祖述源流著作勤。舊手澤兼新掌故。澧溪品結選樓文。編窺全豹不須勞。問世後賢傑出豪。餘韻流風君子澤。鄉邦文獻德門高。

### 其三十七

太倉顧賓來 鴻遠

久慕才高學冠羣。寸陰不負著書勤。琳琅獺祭潛心輯。異日編成錦繡文。江花入夢胸成竹。珠玉繽紛意氣豪。竚看叢書傳出後。洛陽紙價定增高。

### 其三十八

興化楊雪溪 笠翁

象溪鷄肋集如雲。數典虞姚世業勤。五百年來新掌故。承先周浦煥人文。風雨殘編手訂勞。讀書論世亦云豪。東南遺老傳家範。却比玄亭問字高。

周浦南蔭堂姚氏叢刊

題詞

三〇

其三十九

南雁于 夾南廬

紅魚翠墨宛殘雲。校纂多君朝夕勤。行見殺青標異格。漫言後裔不崇文。拈毫握管豈無勞。十載埋頭志亦憂。太息梓鄉文氣薄。一編重覩等身高。

其四十

沔陽金大勳集成

重華爛漫海東雲。著述名家費苦勤。蠶走芸編經世變。蒐殘補闕纂龍文。博拾瓊林弗憚勞。叢刊掌故自英豪。芳流祖澤遺型在。積慶文孫眼界高。

其四十一

鎮江丁道衡

已看古義滄桑失。猶肯搜蟬捕蠹勤。力挽沉淪能有幾。流傳莫謂一家文。雞窗燈火肆蒐討。當代青年孰比豪。不再刊遺推子竅。賢風合讓使君高。

其四十二

南匯姚維圭季康

搜奇探秘勝於雲。整飭殘篇著意勤。爲念先人遺澤在。故將叢刻網詩文。慨念前人著作勞。保存國粹興偏憂。佇看叢刊風行日。仰若三都賦品高。

其四十三

嘉定唐頤壽養儒

名山著述護風雲。祖澤長留蒐輯勤。國粹將亡延一綫。應知天未喪斯文。鑿楹晏子漫言勞。彙刻叢編更足憂。增重藝林光岳乘。詩書門第百年高。

其四十四

海門李舜英八四老人

姚家積稿富如雲。後起有人纂述勤。簡斷篇殘資補葺。編成一集好詩文。

南蔭書堂著作勞。天生代代有文豪。汗牛充棟誰收拾。付梓重刊功最高。

其四十五

海門李昌煜韻茲

揮毫落紙若烟雲。差喜前人筆墨勤。不是浦東地脈厚。緣何代代出斯文。追念姚家著作勞。怡君立志是賢豪。今將積稿從頭整。付與梓人手段高。

其四十六

番禺鄔慶時白堅

七十種書存四十年。窗下網羅勤。承先自有開來意。不讓桐城選古文。自昔佳人難再得。一門風雅足稱豪。鄔家我亦會編集。周浦遙瞻興愈高。

其四十七

興化陳泳秋泓齡女士

渺渺思鄉望白雲。等身著作昔賢勤。傳家南蔭堂留訓。繼繼繩繩世守文。前模鈔纂不辭勞。女博士吟氣更豪。五百年來留掌故。大方手筆選樓高。

其四十八

古嶺劉舜英琴君女士

虞姚周浦煥星雲。孝子慈孫祖迹勤。歷代先賢遺墨萃。閨才美秀且多文。永逸何妨任一勞。在天靈爽亦云豪。韋賢把臂空千載。信是一經遺子高。

其四十九

倪本青女士

兩宋而還五百載。殘編斷簡檢殷勤。澧溪溪水瀠洄處。不朽書香共此文。累世英才託彩毫。幽潛闡發志何豪。風華典雅彌堪羨。更看清芬紙價高。

其五十

丹徒李董繡珠瞻雲女士

周浦南蔭堂姚氏叢刊

題詞

三二

星零手澤散如雲。螢雪頻年伏案勤。墜緒茫茫尋究出。上規姚姒載韓文。  
苦卓獨行不畏勞。間生傑士亦云豪。誦芬述祖新詩句。却比庭珪靈運高。

其五十一

孝義程開貞韻香女士

君家著作夥如雲。雲織迴文後起勤。勤輯叢編新掌故。故教澤衍述斯文。  
蒐輯佳章不憚勞。勞心摭拾興何豪。豪人負有文人氣。氣塞乾坤品自高。

詩餘以收到先後爲次

其一

南匯孫楚濠補正

積慶橋新。姚家廳舊。澧溪數典稱先。一門才俊。文學有淵源。著作名山共羨。  
姊妹璧合珠聯。飛詞藻風高林下。清響遏雲間。書香猶濟美。謝庭分詠。花萼  
連肩看。春空藹藹。秋水涓涓。應使扮榆生色。存家粹斷簡丹鉛。貽高韻青箱世  
守。千古接薪傳。滿庭芳

其二

清溪錢祥華叔英

樓迴傳文選。詞新詠玉臺。雲間士女洵多才。太息蠅編蠹簡。沒塵埃。手澤留  
餘燼。功名付劫灰。舊時丹素意新裁。始信豐城劍氣。走風雷。南歌子

其三

興化楊雪門橫山

五百年來。溯先世先知先覺。歎滿架圖書文集。束之高擱。鼠毀蟲雕難入目。那

忍斷殘零落。好兒孫。決不任蹉跎。興工作。思考證。多咀嚼。思借閱。窮搜索。十年窗下苦。後先憂樂。仁輔多樞又友會。德修且踐成人約。何殊玉石借他山。能攻錯。滿江紅

### 其四

雲水道人

話前朝掌故。南蔭堂留。逸趣橫生。考故家文獻。歷滄桑兵燹。斷簡凋零。後賢述祖修纂。廢墜却還興。笑老去。心情放開醉眼。文選樓成。森森卷充棟。世澤永相承。遺甯虞廷。竭十年餘力。擬校書祿閣。火照藜青。處囊脫穎毛。遂默相荷先靈。矧著作等身繁多。落筆風雨驚。憶舊遊慢。

### 其五

興化楊鎮禪

江南好。好莫比虞姚。先澤遺書垂楷範。鈞天古樂叶簫箏。聲遏九雲霄。江南好。好的舊人家。列代心傳先覺效。百年手澤後賢嘉。國粹廣文華。江南好。好却整殘叢。斑豹留皮稱古昔。蠹魚搖尾散西東。修葺十年功。江南好。好發梓人刊。鴻雪痕留千古印。驛郵惠賜萬千歡。薄海廣傳觀。

### 其六

慈谿洪君佐胡

斯文道苦。較甚羸秦炬。更有何人勤述祖。先藉清芬矜許。汗青壽世名山。張皇起訂叢殘。手澤不災梨棗。光芒終古雲間。清平樂

### 其七

香港黃月根金粟女士

周浦南蔭堂姚氏叢刊

題詞

三四

獻徵文考。仗有傳家寶。芋火工夫年不少。千里寸心忙了。虞姚帝胄清華。澧溪著作專家。述祖永承先志。書田滋長新芽。清平樂

### 其八

東台陳光誥紫綬女士

過眼逝如潮。寸心千古昭。撫殘編零落蟲雕。列世傳家留著述。何敢負。昔賢勞。

遺胄紹虞姚。德門周浦高。溯源流南渡遷喬。五百餘年遺墨贖。興廢墜。薄兒

曹。唐多令

### 其九

興化楊鍾儒聘珍女士

浪淘人物大江東。緬先賢。夢魂中。別類分門。卷帖半殘叢。文獻百年勤考訂。辛

苦耐。十年功。故家餘韻溯流風。浙遷時。宋高宗。源流掌故。文字煥雕龍。毋勦

說。不雷同。江城子

### 其十

東台王蘭者香女士

祖述東南遺老。纂修西北高樓。六朝文選續揚州。澧溪傳聞遺賈。十載小心

翼翼。萬言是道頭頭。捫心餘憾不遺留。世澤承先恪守。西江月

## 家族

### 其一

文 鎬舟生

叢稿編成不計年。勤搜博採賴雕鐫。欣看家業重光日。記取吾宗第一賢。

喜爾聰明標卓識。獨從濁世葆家珍。慚予鬢髮徒增白。玉樹崢嶸自軼倫。

### 其二

永齡軼句

殘編手繕祖難忘。自媿無功與有光。海內更叨名士筆。偏勞靈運繼書香。

### 其三

南雁曹蘭卿

漫云門第古來高。四十餘年井臼勞。牘有殘編零落在。摩挲讀罷興偏豪。一編叢稿續斯文。蒐集心勞十載勤。從此吾家多後起。會看直上附青雲。

### 其四

姊寶軼文

斯文漸喪劇堪哀。日下江河孰挽回。家粹偏勞新纂輯。惠連畢竟不凡才。宗門賢裔著鞭先。遺墨翻新豈偶然。海內徵題遙錫寵。鴻文珠玉露華鮮。

### 其五

楚英

編成巨集氣如雲。家粹蒐羅夙夜勤。幸我宗人多著述。亦教儲里續斯文。籌握餘閒纂輯勞。廣徵題詠興偏豪。荒疏愧我無佳構。贏得虛名附驥高。

### 其六

永寶引潔

矻矻孜孜已十年。楹書零落喜羅全。家聲丕振續前緒。南陸春長百世懸。掌故粉榆遐邇傳。姚橋風景月常圓。選擇天半瞻高峙。文獻東南贖一編。

### 其七

軼倫

年來自媿蹉跎久。立志無難只在勤。喜有先人遺澤在。埋頭但願奉斯文。

周浦南蔭堂姚氏叢刊

題詞

三六

重新遺墨如花錦。光耀門楣自足豪。更感百家珠玉賜。辛勞蒐輯賴功高。

其八

南匯許安祥吉如

淵源家學溯姚墟。世澤綿長萬卷書。海曲家聲推望族。羣編彙列式鄉閭。鴻文鉅著等身高。爭說姚家士族豪。積慶永興同不朽。怡然一卷聽松濤。

其九

大埔李 勳

虞姚世裔史珍崇。一脈流傳國士風。海外夙欽時雨化。鴻文飽讀喜躬逢。與楚曾同執教於星洲

其十

慧 寶昨非

楹書零落慨烟雲。欣有抱殘輯軼勤。廿代叢刊傳宇內。獨慚小姝未能文。予雖教育界有年而詩詞之學夙未嫻習此承徵文勉成一絕殊自媿慙

十年考訂見辛勞。手澤重新自足豪。國粹家聲同蔚起。一編齊仰選樓高。

其十一

之 瑾

敦宗修譜牒。植碣具深思。兄於前年為各租墓立碑並有重輯家乘之志又見叢刊出。聲名溢海湄。

其十二

之 瑜

書香傳奕葉。巾幗與鬚眉。一集家風播。勤勞遐邇知。六宜誰繼起。佳話夙心欽。珠玉搜羅夥。我慚下里吟。